

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la

Dilingæ, 1685

44. De semine.

[urn:nbn:de:hbz:466:1-60561](#)

Gratia.
Phil. 4.
13.
Rom. 8.
35.
Mat. 16.
18.

ad centrum proprij nihili, in quo tanquam terra stabilis, immotaque perseverat. *Petra est etiam Christi gratia, cui fidendum, non sibi met: Omnia possum in eo, qui me confortat, ut dicere possim: Quis me separabit à charitate Dei? nec portæ inferi prævalebunt adversus eum.*

MEDITATIO XLIV.

De Semine. Luc. 8.

PUNCTUM PRIMUM.

Semen
verbum
Dei.

Terra a.
nima.

Finis
fructus
operum.

Semen est verbum Dei, ut ipse Dominus ex posuit, idque tum externum instructionis, tum internum inspirationis divinæ, & hoc maximè; quod est, quasi vis seminalis in grano, quia sine interno frustra jacitur exterius. Qui seminat, est præcipue Deus, auctor bonæ inspirationis. Externum autem verbum etiam hominis & pīj libri, tanquam semen jaciunt. Terra est anima, secundūm suas potentias. In memoria excipit pias cogitationes, sanctarūque rerum imagines: in intellectu illustraciones cælestes ad divina penetranda, nec non consilia bona agendorum, & dictamina conscientiæ, vel arguentis quæ agit, vel probantis: in voluntate motiones varias ad bonum. Finis est, ut terra ipsa perficiatur. Gratias agam, petam, ut terram animæ meæ subigere, seminareque copiosè velit.

PUN.

PUNCTUM II.

Quid non omnis terra fructificat. 1. Illa, ^{1.} *Via cor
durum.* quæ est secùs viam: quo fit, ut partim semen conculceretur à prætereuntibus, partim à volucribus comedatur. *Hi sunt, qui audiunt,* deinde venit diabolus, & tollit verbum de corde eorum, ne credentes salvi fiant. Nempe homines cor habentes per vium quibusvis cogitationibus & desiderijs, qui non condunt intra se verbum, & exterius in superficie tantum excipiunt, ut solum non subactum, quales sunt viæ publicæ. 2. Est terra petrosa, quæ non habet humorem. *Hi sunt, qui cum gaudio suscipiunt,* & in tempore temptationis receidunt. Nempe homines bene propensi, sed instabiles. in quibus semen radices non agit; sicutque orto sole temptationis, arescunt: quos S. Marcus Temporales vocat, & sunt quasi nubes matutina, & quasi ros manè pertransiens. Porro sol lucet & adurit, quod est duplex temptationis genus, unum à prosperitate, alterum ab adversitate rerum: oportet autem se exhibere Dei servum in utraque fortuna, atque ut ait Paulus, *Per infamiam & bonam famam, &c. 2. Cor. 6.*

3. Est terra Sparsa, in qua simul exortæ spinae semen suffocant: & hi sunt, qui à sollicitudinibus & divitijs, & voluptatibus vita euntes suffocantur, & non referunt fructum. Tria ista, voluptatæ, quæ blanda hominibus videntur, Christus vocat Spinas; nempe animum pungunt, & cruciant.

^{2.}
*Devotio
incon-
stans.*

ciant. O Deus! malim pungi spinis tuæ corona: & licet carnem lacerent, spiritum sanant.

Nota, quod prima terra ne germinare quidem incipit: secunda non promovet defectu succi: tertia succum habet, sed ob vepres non assurgit.

PUNCTUM III.

Tres
gradus
fructuū
bonorū.

Terræ bonæ & fructiferæ sunt tres similiter gradus: alia reddit *Tricesimum*, alia *Sexagesimum*, alia *Centesimum*, juxta tres gradus incipientium, proficientium, & perfectorum, vel, ut Patres exponunt, secundum statutus conjugij, Cælibatūs, Martyrum.

MEDITATIO XLV.

De Zizanijs. Matth. 13.

May. 13. **E**xposuit hanc parabolam ipse Dominus:
37. **Q**ui seminat bonum semen, est Filius hominis. Ager autem est mundus, bonum verò semen hi sunt filii regni. Zizania autem sunt filii nequam. Inimicus autem, qui seminavit ea, est diabolus.

PUNCTUM PRIMUM.

Justi se-
men.

Rom. 8.
17.

Iusti sunt Christi semen, hoc est filii ab eo geniti in gratia, & ideo semen dicuntur, quia per eos alij cognoscuntur Christo. Filii autem regni dicuntur, quia, si filii & heredes regni paterni.

Zizania